





原件短缺

P1-P2

樓東

題画小景二首

山色青於水
堂背郭成陰
陰喬木裏疑有讀書聲

家住法

川溪樹溪上多白雲幽人自

來去

夜泊楊溪

月色照谿水秋聲起
樹間孤舟今夜客無夢
家山

京口晚泊

落日青山暮踈煙

可吹望中無限景都言

魚舟

瓜步洲

青山萬古色流水一江雲遠寺鐘聲早迢迢日
下聞

竹塢口

石住竹塢口妾家桃花津來往不相識青山應
笑人

丹陽晚眺

春水綠迢迢空江自落潮橋頭兩竿日煙外酒
旗飄

中秋夕

遠客難為別西風吹月明不堪殘夢破沙際亂
蟲鳴

詠柳

去日吳門柳索索鳴秋風歸來闔閭外柳絮又
漫空

讀書

人云讀書智我坐讀書痴賢聖如堪學仍須借
一瓶

去壽昌作

來時此行李去時此行李俸外無一金不愧桐
江水



原件短缺

P5

題画四首

牡丹羣鳥

微雨朝來歇紅芳綴滿枝多情花裏鳥應愛日
遲遲

荷花鵲鷓

斜日回塘靜紅蓮花半開雙雙鵲鷓鳥窺影去
還來

蒼蘆畫眉白頭翁

蒼蘆園亭小清香散晚風長眉畫初就愁絕白
頭翁

雪竹小雀

點蒼山

極目望點蒼芙蓉倚天闕下有百尺松上有千
年雪

漾偸早行

流水點曲響亂山重疊橫行行天欲曙立馬看
雲生

暮入永平

青山圍古邑流水帶荒村馬首愁雲合山頭日
欲昏

夜宿沙木和聞猿

月移枝上影風亂水邊聲此夜郵亭客還家夢

不成

暮至金齒

關晚牛羊下城高鼓角清道傍迎候吏馬首拜諸生

過浪穹峽

幽花懸石壁流水瀉雲根停車試相問只恐是桃源

夜宿觀音山驛

溪聲泱泱流木葉蕭蕭下離人耿不眠寒燈伴長夜

夜宿鄧川驛

風走落葉聲山犬吠不已披衣夜出戶明月照溪水

南安分司

陰風射紙窓燭影半明滅四野無人聲寒猿嘯霜月

姚安分司

吟人夜未眠迢迢漏初永起步山月中踈枝露猿影

次韻趙明遠教授見贈

解組北窓卧終朝無與親誰知松菊裏亦有獨醒人明遠號松菊主人

為華守正題

都門祖帳

客從金臺回供帳金臺側酒盡情益深依依不能別

潞渚揚舲

舟行出潞河蒲帆懸十副驚起水禽眠雙飛帶波綠

靜海聞雞陶詩雞鳴

霜濃曙色寒群雞聲喔喔桑樹影初分墻頭月輪落

平原驚鴈

平原人迹稀回車早行邁沙碛鴈驚飛一行正橫塞

武城懷古

昔賢茲已遠稀聞絃誦聲扁舟城下泊夜半寺鐘鳴

荊門對月

今夕知何夕荊門月色高桂花秋露滿涼影襲吟袍

清泉訪舊

故人別經年悠悠隔江海莫惜共離杯何時會當再

瞻彼泰嶽雲網緼千萬狀何平作甘霖大慰吾
民望

彭城晚泊

孤舟駐彭城悵然憶西楚何如黃樓人清風洒
千古

清淮晚渡

一派通海門商船幾千軸西風片帆開青山掛
吾目

金山詩思

奇峰落波心幻出夫容茶時間暮鐘聲詩隨渡

江水

伯瀆歸情

伯瀆乃吾鄉所經多舊館陰陰喬木間去家知
不遠

新居十詠為華守正題

丁舍課耕

丁舍有良畝東西盡膏沃畊耘湏及時春風啼
布穀

曹塘待渡

曹塘日欲晡歸人聚如蟻野渡暝煙生孤舟橫
淺水

桂嶺看雲

桂嶺多白雲時時自怡悅蒼生久望君行作東
山客

茅塚聽雨

別業構茅塚聽雨夜將半曉起看窓前落花紅

滿院

嵩寺尋僧

老僧住嵩山蘭若黃金布我欲往尋之白雲礙
行路

蕭庄訪古

蕭庄舊形勝訪古時一過古人不可見愁思當

奈何

鷺湖泛月

鷺湖夜泛舟明月吐幽壑安得臨臯翁斗酒共
為樂

鴻臯衝煙

鴻臯突竒巒煙光晴暮霽曉騎策吟韉衝開翠
如織

梅村冒雪

春風刮地來吹落梅村雪為愛暗香浮行吟吐
璫屑

伯瀆乘風

伯瀆淨無波輕風生絳幘檣頭五兩懸棹歌聲
斷續

綵繪花鳥十圖為白秋官題

蜻蜒花外游黃雀睨而取寧知花下人持竿方
利已

右黃雀蜻蜒

紅綻海棠腮春風爛熳開此翁頭已白不為看
花來

右海棠白頭翁

結陣駕銀河天孫歲歲過若教能化印其奈濫
功何

右衆鵲

鐵甲秋風冷馳驅戰陣間何如原草綠母子遂
歸閒

右母子馬

不解初平術空懷仗節臣白羊才二角誰是助
邊人

右獨羊

紅紫紛紛盡東籬夜有霜最憐秋色裏晚節更
生香

右菊花

當日平原上飛鳴每急難如今秋水側照影覺
形單

右秋水鶴鷗

丹鳳久不鳴青蛙喧未已池塘春草深閣閣亂
人耳

右羣蛙

萬物自生育寧知造化功若若織草上亦有負
螿虫

右草葉阜螿

附六言絕句

過濟寧二首

黃鳥春風紫陌白魚新水青蘋借問關東風景
何如江左詩情

柳絮驚風白颭桃霞逐浪紅流明日扁舟何處
計程應到徐州

潼川道中

有水有山去處不村不俗人家沙際一羣浴鷺
林間幾點歸鴉

枕肱亭文集卷之十

禮部尚書番陽童軒稿
門人監察御史金章編

七言絕句

讀史

晏嬰

慎守封疆欲霸齊故於宣聖惜尼蹊從來為國
求賢意咲殺當年擁蓋妻

儀秦

游說當時最得名從橫朝暮善談兵自家不學
全身計却與諸侯改太平

藺相如

事大從來貴息爭區區何用勝秦名不知醜出
長平袖尤說當時擊缶聲

屈原

貝錦生讒自古然但將心事付蒼天何須墜入
江魚腹湘水無情肯見憐

商鞅

謾勞苛法罔生民遂使先王澤盡湮豈但法行
還自弊山東兵起更亡秦

張良

陪羽興劉計有餘也應黃石一編書淮陰相國

俱人傑明哲看來太不如

于定國

民不稱冤獄訟平于公持法擅高名不知京兆
當年死廷尉如何未得情

公孫弘

豐儉從來貴兩兼惡衣美黻古無嫌布衾自是
吾儒事史筆胡為紀詐廉

謝安石

百萬秦兵壓境時區區矯飾亦何為不緣鶴唳
風聲便未必能安晉鼎危

王安石

慨然斯道豈難行
去被周官誤一生
從此老泉成口實
無心蓬垢得妍名

春雨思兄一首

輕寒連日雨霏霏
花底香塵濕不飛
燕子歸來詩夢覺
滿池新水草依依

舉網圖

黃蘆深處駕輕舸
宿鴈驚寒散小汀
一曲棹歌烟月冷
綠絲牽動一潭星

次韻鄒允達懷仙吟十首

松花酒熟潑銀缸
邀得羣仙醉石窓
十二闌干秋色靜
笛聲吹斷落梅腔

霧閣雲窓蘸碧虛
黃梁枕上夢凌虛
鶴翻松露無人到
近得麻姑一紙書

山擁芙蓉面面開
紅塵元自隔丹臺
洞簫一曲雲間下
知是群仙跨鶴來

星冠鶴氅自翩翩
名注玄都作散仙
不用金莖承沆瀣
黃精芝草滿丹田

瑤玉山前奏鳳簫
彩雲飛珮下松喬
夜深驚起潛蛟聽
石澗星河影動搖

西華峰頭月影高
瓊花香霧濕金袍
呼童旋劈麒麟脯
一曲南飛醉碧桃

勾陳樹底醉流霞
真列金櫻飯熟麻
雞犬數聲

春色暮一溪流水泛桃花

蟠桃紅熟紫芝香共酌玄洲九醞觴醉後山窓
秋寂寂神遊還到白雲鄉

六銖衣上繡雲輕月下時時奏五英回笑人間
兒女夢紅塵一枕不分明

銀浦流雲夜氣澄蟾光碾出一輪冰步虛壇上
瞻星斗翠壑丹崖幾萬層

墨竹

湘江千畝綠雲寒分得凌霄玉一竿因憶當年
棲泊虜滿林秋葉雨聲閑

黃葵圖

嫩葉迎風翠袖長黃冠新製道家粧可憐冷淡
無人識獨有丹心向太陽

春草

年年匝地自生春染出羅裙色更新回首舊遊
南浦路冷煙淒雨正愁人

安山道中

草滿沙長水滿堤兩行春樹拂雲齊吟邊疑是
江南景斜倚蓬窓聽鳥啼

經沛縣懷古縣有歌風臺

芒碭山前起白雲龍飛猶憶漢時君高臺蕪沒
西風急彷彿歌聲入耳聞

淮陰西湖即景

荇帶蒲芽望欲迷
白鷗來往傍人飛
水邊苔石青青色
疑是王孫舊釣磯

維揚弔古二首

新水樓臺一望賒
維揚自昔盛繁華
錦帆紅袖知何在
惟見垂楊鎖暮鴉
草沒離宮舊路賒
錦帆曾說到天涯
孤城日暮東風惡
落盡庭前綵樹花

渡江二首

維揚江上片帆開
沙淨雲閑露碧苔
萬頃無塵渾似鏡
青山一帶逐人來

長江天塹古今同
控引東南地勢雄
幾度桃花三月雨
錦雲翻浪化魚龍

和尚寶宋士皐春日

符臺即景之作

憶昔

先皇御太平
朝來前殿集羣英
彩雲飛動金輿出
兩兩霓旌作隊行
御路風清絕點埃
茸茸新綠剪莓苔
羽林環衛無人到
惟有中官日往來

回松

曾是陶公手種來
山中風雨老莓苔
佇看貢入明堂用
還似當年宰相才

寄月溪瑩僧官二首

病來常欲謝
朝簪幾度懷
師夢裏尋遙想
跡
跌雙樹底一燈懸
影照禪心
白雲芳草閉禪閑
金磬無聲夕照閑
應是定中
忘坐久袈裟渾染石苔斑

鷓鴣圖

荆棘叢深舊路微
奔奔常向夕陽飛
長安此日
看圖回應笑為儒
百結衣

瞿谷圖

性慧能言異衆毛
雲霄千里路勞勞
綠楊枝上
東風軟却笑群飛
燕雀高

村居圖

鳥外斜陽一水明
村居深掩數峰青
落花寂寂
春歸盡載酒無人到
草亭

寶帶橋

寶帶橋頭水滿磯
小舟雙槳暮漁歸
藕花蒲葉
俱零落惟見斜陽乳鴨飛

經沛縣懷古縣有歌風臺

芒碭山前起白雲
龍飛猶憶漢時君
高臺蕪沒
西風急彷彿歌臺入耳聞

宿草萍驛

霜冷重衾夢不成
殘燈留影伴離情
僕夫晨起

催行色茅店雞聲月正明

泊錢塘江夜坐感懷已卯十月還家時作

荻葉風高夜氣清月明譙鼓報寒更淒然泣下
青衫淚不是潯陽客裏情

舟回采石夜泊謫仙樓下值雨弗果登

樓用賦一詩以吊

謫仙樓下吊詩仙千載風流世共憐煙雨一江
無月色鯨魚風起浪花圓

山水圖為姚宗仁題

落日青山映碧沙平湖渺渺見星槎橋邊雲樹
參差出疑是青城隱士家青城隱士借宋人也

酬丁鳳儀見贈二首

曾見操觚試棘闈少年文采似君稀秋來應有
梯雲夢桂子吹香墮綠衣

頻年載筆侍

明光慚愧清時少諫章空有丹心似孤鶴時時
飛繞海天長

題侍御陳文璧瓊林醉歸圖二首

璫林宴罷出南宮羅袖飄香醉態濃一色杏花
三十里長安道上馬如龍

帽壓宮花照眼新東風渾勝曲江春醉中記得
歸時路丹鳳樓頭月似銀

秋夕有感

身世相違似陸沉，鬢邊頻見二毛侵。
西風吹破還家夢，一夜寒蛩伴苦吟。

一榻清聲墨竹二首為劉司勳題

灑出金壺玉兩枝，楚雲湘水不勝奇。
歲寒勁節誰能識，憑仗清風是故知。

碧雲蕭颯漏新晴，彷彿湘江一段清。
夜靜天風嚮林杪，滿空飄下鳳鸞聲。

送蔣道士還茅山

黃冠野服列仙曹，天上朝元羽蓋高。
鐵笛一聲秋月白，又騎黃鶴下三茅。

題回菜

年年載筆近螭頭，肉食焉能為國謀。
翻笑蔬園張處士，一生常有廟堂憂。

雙竹圖

新粉含香並節生，翠雲零亂不勝清。
憑誰製作昭華管，聽取雌雄兩鳳鳴。

題墨竹便面送郭判簿

時郭以御史貶官

叢碧分香出上林，清風高節等南金。
相看猶帶霜臺操，肯向炎荒易素心。

次韻楊內翰賓筵留詠二首

馬首黃塵十丈飛，藍袍今已化緇衣。
相過只有

楊椎宅幾共談經坐夕暉
木落亭臯白露涼蕭蕭秋意近重陽小樓客去
渾無事唯有尋詩鎮日忙

褒城

曉驅羸馬出褒城風景蒼蒼入望清十里青山
數行樹豈花籬落草蟲鳴

沔縣道傍見民舍偶作

幾家同住一孤村綠樹團陰半掩門莫道野人
生事少曉晴籬落散雞豚

輓祁陽郝節婦

鏡掩孤鴛自少時幾回愁誦栢舟詩藁砧地下

重相見應說年來髮已絲

柳邊驛和壁間詩韻

驛亭前
有雙桂

連朝聽雨桂香邊謾策河潢可下鞭明日西行
收小醜民安重覩太平年

頭陀寺和壁間詩韻二首

杖頭繫鉢十方遊遍神州與趙州却笑高車
安坐者一生肉食為身謀

使節驅馳萬里遊何曾騎鶴上揚州蕭蕭踈雨
空山夕且辨僧傍一榻謀

九月三日送同使朱司廳柩出漢州南
門愴然有作

疏陳諭蜀選 廷臣愧我無才慰遠人萬里同
來不同去暮雲回首一露巾

三月十二日過夔府偶成

春雨圖書畫舫輕滿蓬山色過夔城吟邊為愛
巴東水酷似詩人意味清

題露筋烈女祠祠在揚州

不見王睢在水洲野花殘蝶滿墻頭露筋祠下
東流水洗盡維揚萬古羞

題墨蘭

忽向空山見國香冷烟淒雨自蒼蒼虛堂夜永
琴聲歇一段騷人別恨長

歲乙酉冬予請官壽昌邑庠徐生俊

出此圖以索詩予遷客也不無去

國懷鄉之念因題

此以歸之軒識

題馬圖

曾逐天驕出漢關歸來孤影放空山可憐首著
西風夜猶憶麒麟十二閑

壽昌山中書事三首

好山青立縣門西細雨空堦草色齊鎮日蒼郵
來往少衙回時聽竹雞啼

月底寒泉汨汨流穿雲噴雪響牀頭連宵肌骨

清無寐那更山窓月正秋

尺詩繁影半明布衾高卧夢難成不堪破屋
秋風急亂葉蕭蕭作雨聲

題胡得和金峰隱卷

伐木行歌入遠峰白雲黃葉路重重歸來掩耳
當時事門巷無媒草自濃

田舍雜詠五首為梅庄諸處士賦

名庄渾似習家園綠樹陰陰靜掩門昨夜溪南
春水漲芹絲香處有河豚
十角黃牛二頃田新秧簇簇遍郊阡卧龍老去
無人問春雨躬耕又幾年

不逐漁舟覓水源繞溪花竹自成村青山遮斷
紅塵路只有詩僧日款門

載酒看山湖上歸西風吹冷薜蘿衣水田刈盡
雲千頃無數牛羊草正腓

古梅千樹半開殘流水空山雪正寒花下有人
恒閉戶一生清操到袁安

題画二首

孫康映雪

十二街頭雪正寒春明門外有冰山
笮簷且拾殘編讀笑殺騎驢客未還

買臣負薪

生計蕭條一束薪擔頭書卷久忘貧却憐畫錦
還鄉日道上清除有故人

傳說築巖

傳巖山下作胥葬板築躬操世未知忽肖回圖
天上夢看施霖雨濟瘡痍

百里奚飯牛

當年自粥五羊皮飯得牛肥辱不辭却笑有官
居鼎鼎都忘臨別為烹雌

暮至寧州

寧州日晚少人行風景蒼蒼感客情村落渾如
寒食節野花無數上墻生

贈僧

幾年遊脚苦匆匆厭聽晨雞與暮鐘今日歸來
趺坐穩沙頭呪鉢學降龍

雲山圖二首為都閩王大經題

萬疊雲山紫翠橫依稀風景似滇城望中應是
將軍寨鼓角無聲夕照明

雲樹蒼茫落日遲山城秋色映旌旗太平邊徼
多閒暇正是將軍運甕時

松月圖

少日曾期十八公可堪垂老尚飛蓬而今遠塞
看圖回斜月西風似夢中

江行小景二首

一江秋水綠如羅，蘋末涼風起白波。
何處扁舟歸去急，滿蓬殘雨夕陽多。
浦口風回浪拍沙，天涯行客正思家。
歸舟疑是洪都晚，孤鶩低飛帶落霞。

題画

茆屋人家一兩間，綠陰遮戶鳥聲閑。
小橋盡日無人度，春護苔花一迳斑。

謝太常作山水圖并自題一詩于上用
韻和之

客甚清坐簿書稀，墨香與欲飛。
寫出鏡湖

春滿紙中流，唯欠酒船歸。

滿林香霧煖，霏微草綠長。
堤燕子飛，誰倚筇枝看山色。
落花風景正思歸。

春日謾成二首

滿頭白髮照人明，三十年来老宦情。
自笑不如春草色，東風齊上禁垣生。

君恩未許脫朝衫，供奉無能獨負慙。
幾度梅花清夜夢，遠隨明月到江南。

道碑八詠為裴上舍題

松楓書屋

松楓蔽蒂讀書齋，知是前人手種來。
三萬牙籤

同雨露後賢應抱棟梁材

檜栢琴軒

當軒檜栢翠陰陰不教紅塵半點侵一曲猗蘭
人靜後惟應明月是知音

梓桐並美

共說良材中瑟琴翹然並美自成林何當製出
虞廷樂聽取雌雄兩鳳吟

梅竹雙清

淇水孤山幾度春相看寧污利名塵最憐明月
清風夕環珮珊珊降玉人

三槐秀色

高槐鬱鬱似雲屯風細飄金滿後園不獨王家
好遺澤將來聲價屬裴門

五桂清香

丹桂庭前列作行秋風歲歲發天香狀元榜眼
俱堪擬不羨燕山竇十郎

一區幽圃

一區幽圃四無隣抱甕時澆不憚勤咲問取禾
一百憶素餐今日是何人

半畝芳塘

一池新水靜於藍雲影天光盡日涵只恐蛟龍
截不得一朝雷雨起江南

次韻少宰尹正言祈雪喜雪六首

天官齋沐夜祠時
冰凍霜鱗玉一池
行到庭前看月色
翻翻惟見鵲驚枝

冬深晴煖底須誇
雪意寥寥正爾遐
信是一誠能感格
凍雲籠月似烏紗

齋居獸炭火初溫
露禱歸來夜未殮
但願吾人恒足食
街頭堆白不辭寒

右祈雪

瑞雪漫漫喜應時
誰持鸞尾掃天池
忍寒欲探春消息
數問梅開第幾枝

豐年應禱信堪誇
誰謂天人地位遐
釀出梨花春一片
從教寒色上窓紗

擁衾高卧覺微溫
預卜豐年足飽食
安得布帷千萬丈
盡遮貧士不教寒

右喜雪

朝陽雙鳳圖為王少宰題
于希曾祠部
雲冷秦臺州樹秋
耳邊百鳥正喧啾
何當見此朝陽鳳
五色文章瑞九州

岐山阿閣千年後
今日昌期屬大明
好在九苞丹鳳鳥
一雙飛上殿庭鳴

題梅花便面送華允明還錫山次張司寇韻

寇韻

滿城車馬走朝曛
紅紫爭看簇錦雲
惟有孤山

風味別暗香疎影屬逋君
翠羽啾啾日欲曛梅花一樹倚寒雲相思後夜
看明月疎影橫窓正憶君

春日即景

風裊游絲百尺輕可堪佳節近清明小闌干外
飛新燕開到梨花雨正晴

春日即事

杏花疎雨壓輕雲多病閒官懶出門午夢覺來
無一事呼童窓下種蘭蓀

五月望日晨起

夢回斜月在林梢涼意瀟瀟洒素袍却憶長安

候朝日五更風雨聽雞號

題金瓶牡丹圖寄致仕亞卿周尚文

洛陽奇品號花王闌檻都將百寶粧猶憶鳳池
多雨露年年香映

御袍黃

金瓶高簇綵雲裝桃李紛紛眼底空只合

玉皇香案貯未應林下老春風

暮春

小雨絲絲晚風一番春意禁煙中妖桃艷杏
知多少猶闌深紅與淺紅

墨竹題贈侍御蹇克遂尚書蹇公之孫

老幹曾垂汗簡勲而今玉節見諸孫世間草木
多如雨誰似高標萃一門

次韻大司馬介菴王公休致志喜并留

別四首

讜論忠言邁治安批鱗櫻怒豈憂難
賜歸不遣長沙去信是

皇明雨露寬

秦川歸去道途長八景西園想未荒應有當年
故人在時時尊酒共徜徉

四十年来足宦遊輕肥寧肯為身謀

聖朝他日忠臣傳史筆應書最上頭

赤心報

國盡忠勲利病安危必

上聞莫道宣公從此去百篇奏議見斯文

墨竹題贈張大信繡衣

烏府先生玉樣清滿庭踈影助吟情月明卷地
霜風急搖曳琅玕作鳳鳴

觀園蔬戲成

滿畦生意發陽春紫芥青菘儘不貧笑問高車
安坐者爾庭何自有懸鵝

寒松便面為華秀才鎬題

聳壑亭亭勢漸高後渠雪瘡與霜號食竹看佗日

成梁棟不羨玄都觀裏桃

題扇送華明德讀禮東歸

秋風才見戰文場又著蓑麻返故鄉後會定知
驚豹變南山七日已成章

回菜為浦僉憲題二首

滿畦初凍栢臺霜紫芥青菘出土長真味堆盤
自朝暮飽食寧羨大官羊

君侯清操古人同破甕寒葢不厭窮遙想輜車
巡歷處斯民在在有邠風

次韻林秋官待用題扇見贈

君以直諫忤調官南京

餘子紛紛眼底空多君端有古人風史官新續
忠臣傳吾道而今幸未窮

題王少叅尚文扇次韻二首

翩翩舴艋小於梭風雨江頭晚更多何似蘆汀
蓬底卧任佗魴鯉自跳波

蕩漾扁舟侶織梭五湖烟水月明多知君已學
玄真子應笑當年馬伏波

襍画五首為秋官趙郎中藺完題

画山

一逕迢迢蘚色斑煖風晴日鳥聲閒擬將兩屐
尋春去踏遍江南雨後山

回松

歲晚徂徠灌木深
工師何處謾相尋
不因冰雪寒凝後
誰識平生鐵石心

回梅

翠羽聲沈凍未消
稜稜鐵骨倚江臯
歲寒一任冰霜老
不嫁東風學小桃

回竹

碧雲飄影晚窓晴
環珮珊珊動月明
試問上林多少樹
不知誰似此君清

畫山水民居

江清地僻少塵沙
茆屋竦籬一兩家
盡日小橋

無客渡東風開遍野
棠花

山水回為劉繡衣題

鍾陵山色望中蒼
潏潏艷湖光
十里長好似太平
隄上路滿林紅葉
醉秋霜

戊申赴

召之京

解組歸尋阿對泉
濁醪簷飯自年年
無端又逐鳴騶出
孤負松窓伴月眠

過張氏舊居

曾逐飛雲到洞天
紅塵回首幾經年
花香柳影渾如舊
不見當時白練仙

題宋徽宗山水便面

回裏關山路幾千傷心愁說靖康年黃雲衰州
無人迹五國城頭月自圓

乙巳久旱道有暍死者

滾滾紅塵欲漲天稻畦無水渴生烟南風只在
珠簾外不送新聲入

舜絃

京口夜泊

風露淒淒夜氣清黃蘆洲畔短篷輕行人正熟
還家夢却怪沙邊有瀉聲

次韻楊維新內翰見贈

十載睽違會合遲相逢一笑細論詩歸來騎馬
城隅路日暮東風吹柳枝

讌聚景樓次胡侍御韻席上作四首

瑞雲深護夕陽樓瑞雲樓扁也樓外群峰翠欲浮自

是天然圖畫好不妨長作醉鄉遊

晚晴時倚望仙樓流水閒雲上下浮眼底有詩

吟不盡明朝重擬抱琴遊

叨陪內相讌西樓金屈卮深太白浮若山翁

知此飲也應不羨習家遊

獨上城西聚景樓山光遙映水光浮江風月

無邊趣却勝當年赤壁遊

題林下觀書圖

乳燕雙飛細雨餘
落花深掩野人居
想應不是名場客
只讀家園物外書

辰陽十景為鄒郡守題

鯨閣晚鐘

琳館差栽古郡傍
望中烟樹晚蒼蒼
白雲遮斷紅塵路
時有鐘聲落下方

虎溪雲樹

嶺石岩堯號虎谿
斷猿啼處樹高低
道人采藥歸來晚
無數閒雲路欲迷

大酉洞天

大酉竒山擅地靈
仙橋丹井有遺形
憑誰為訪藏書屋
重訂群言補六經

壺頭夜月

壺頭山色翠差栽
破虜曾聞馬伏波
刁斗無聲秋月白
滿襟松影夜涼多

洪山疊翠

重重高岫似暈飛
無數雲霞颺夕暉
幾度來遊清坐久
却嫌空翠濕人衣

酉水拖藍

一曲溪流出酉陽
遠拖晴碧到沅湘
幾回飛下山前鷺
點破粼粼一鏡光

浮橋駕棟

誰輓天邊百丈虹，凌空飛構大江中。往來絕勝乘輿惠，盡道神明太守功。

砂井疑丹

古井何年鑿此山，砂牀霞氣尚流丹。葛洪仙去安期遠，誰解尋求絳雪看。

黃州朝霞

旭日初升艸樹殷，瞳曨霞影絢晴紋。太平有象人皆見，好似丹山綵鳳群。

平田曉雪

柳絮梨花共釀春，平田一色迥無垠。惟餘東郭

先生履踏碎瓊瑤，萬斛塵

六月廿又一日荷池值雨席上作

新亭張讌賞新荷，翠蓋紅芳水面多。傳語西風休送雨，江妃羅襪正凌波。

賢溪十二景為方孔殷太僕題

虎屏列障

兩巖屏列勢巉巖，琪樹春來繡作斑。好與君家人物侶，炳然文采映朝斑。

文筆撐霄

危峰如筆倚朝霞，自昔書香屬故家。恠底文光長萬丈，東風歲歲吐新花。

古渡橫舟

渡頭不見有人來
風雨孤舟長綠苔
地主尺今天上去
肯教閒却濟川才

中流磧石

狂瀾障却盡朝東
到此方知砥柱功
萬派千流歸一理
先生應不讓韓公

曹塢清波

前賢築此溉桑田
兔苑家家樂有年
絕勝西湖三十里
春風歌舞載樓船

鸞坡喬木

群山撲地似鸞形
喬木千章箇箇清
最喜兆為

方氏瑞高崗
今見鳳凰鳴

合山夜月

一柱巍然聳翠鬟
天風吹上爛銀盤
不須玉女峰頭望
已覺清風照面寒

端口晴虹

端口村中雨乍收
殘鴉飛散水悠悠
斜陽不鎖長虹影
又送行人過渡頭

馬石仙蹤

騎鶴仙翁上碧空
征驂隨處有遺踪
年多物化知何在
空見駑駘趁曉風

牲池古迹

故家時祭向來聞祠宇牲池迹尚存遙想當年
供祀日脯殺蕪潔酒盈尊

桂芳偉觀

燕桂曾聞擅五枝秋風搖落竟無餘何如方氏
流芳遠累葉科名照里閭

花園餘香

亭館當年照四隣東風紅綠滿林春繁華不逐
浮雲散猶有書香襲後人

墨菊為李廷章都憲題

昨夜秋霜滿画闌紛紛紅紫盡凋殘可人惟有
臺端菊留得寒香歲晚看

鴿原圖

小艸幽花水滿塘晴波潏灩下斜陽急難最愛
雙飛鳥愧殺人生反閱墻

題雪景圖

長空一色凍雲低柳絮梨花望欲迷想見詩情
吟不盡蹇驢馱過灞橋西

題梅花圖

誰寫孤芳向遠林可人持贈比南金紛紛俗眼
看桃李寧識冰霜一片心

黷宮八景為王學正崇題

蘭庭春霽

蘭亭形迹宛如新千載王家有後人
鵝背花黃春晝永一庭清氣不沾塵

竹牖晚涼

種得琅玕半畝餘蕭蕭涼影小
幽虛幾宵明月清如水咲把黃庭節下書

繞屋槐陰

扶踈繞屋碧雲涼習禮槐庭日正長
為課諸生勤肄業夜來秋露有花黃

入簾草色

年年和雨上簾櫳積翠吹香四座中
分付家僮莫除去滿腔春意正相同

琴所鶴鳴

影轉高梧月上時雲和三尺響冰絲
悠然彈到無聲處唯有庭前老鶴知

墨池魚躍

藻綠芹香水滿池墨雲初漲雨來時
金魴錦鯉知多少俱待春雷變化期

桂軒月色

金粟香清夜未闌中天月色好宜看
坐來為憶當年事曾折高枝到廣寒

梅塢雪寒

冰肌玉骨照吟壇雪夜諸生正耐看
好似程門

端立久滿襟清氣不知寒

純孝卷為進士徐敬夫題

手澤前人教義方
珎藏奕葉見書香
簡編勿謂無多語
却勝張家墨寶堂

春詩十首 少作

春風

韶光二月滿天涯
尚覺輕寒透碧紗
昨夜空庭門未掩
隔簾吹折數枝花

春雨

細逐東風亂若絲
寒生花底錦鳩啼
爭春最愛溪邊柳
染出青青萬縷齊

春雪

為問青黃幾日歸
朝來尚有雪霏霏
東風况尔嬌無力
一任漫空作絮飛

春月

銀鏡新磨露玉奩
廣寒宮闕夜鈞簾
吟人起步闌干曲
花影紛紛透画簷

春曉

朦朧斜月墮樓西
簾影沉沉欲曙時
數點回闌踈雨過
小棠開盡夜來枝

春鶯

穿花擲柳往來頻
睨睨間閑律調新
莫恠枝頭

樓不穩遷喬須占上林春

春鷺

社前社後雨淒淒香迳殘紅半作泥莫惜啣來成舊壘茅簷風靜足幽棲

春寒

微雨纖纖點碧漪東風習習透重帷美人夢熟流蘇帳瘦損梨花總不知

春暖

紅綠芬菲景艷陽春羅新換鬱金香酒醒詩罷無餘事滿院遊絲日正長

春柳

金縷絲絲蘸碧川風輕日暖足三眠灞陵橋上多離別好與遊人繫回船

題回二首

敗葦枯荷野水清一雙鷓鴣共飛鳴絕憐落日西風裏每有依依急難情

右枯荷鷓鴣

古木蕭蕭野迳秋經霜紅葉半颼颼可堪涼月黃昏後啼得山禽也白頭

右楓樹白頭鳥

江上晚題

新水粼粼接遠天扣舷吟眺興飄然數椽茅屋漁村景都在西風夕照邊

聞詹事楊維新先生弟中進士寄賀

兄弟機雲父子韋比君家世未為奇
虞廷正奏簫韶日五鳳聯飛上
玉墀

草石圖為周郡馬題周有四子皆業儒
淺碧茸香一樣清
主家庭館足怡情天然映
帶瑤環秀却咲平泉浪得名

次韻于京兆留別靖菴上人

花雨飄香佛日紅使車遙駐梵王宮昨來詩句
侵人骨知有湯休此地逢

畊讀卷為華育德題

二頃良田萬卷書既畊且讀意何如底須去佩

蘇君印直上青雲到石渠

次韻楊侍讀維立先生玉堂聯壁視篆

二首

南北同承

帝寵臨弟兄忠義况同心八龍三虎何須羨兩
鳳而今在翰林

玉堂聯壁擅文章紙價還聞貴洛陽
誰得似肯容二陸作顏行

回梅為道士孫宗啓題

暗香踈影逗簾櫳誰寫仙姿入回中明月滿庭
清似水道入身在藥珠宮

次韻司寇張公贈鄒以明還錫山三首
隱君自昔勝封君高節清聲到處聞鎮日想應
無一事芒鞋踏遍錫山雲

自分功名與世違何曾失脚下漁磯昨來忽動
扁舟興却向金陵訪舊歸

秋水長天一色清好山晴擁石頭城歸舟不盡
吟邊趣疑在蓬萊頂上行

次韻柯學士題梅花便面贈王太宰廷

貴先生

歲月無情髮已華蕭然風味似僧家驅羸踏遍
空山雪才見寒梅一兩花

右自述

雪月交輝散素華聞公騎到馬山家料應欲試
調羹手只問梅開幾樹花

哭亡子仙郎

嫩竹猗猗出已遲年來新脫錦裯兒無端一夜
西風惡吹折琅玕宿鳳枝

聞活千人後必與吾兒何事早沉淪
皇天何日開雙眼枯木枝頭再放春

題回四景

春樹溟濛宿雨收飛泉百尺瀉雲流看來好似
蒙園景雅稱奇人物外遊

右春

夏木陰陰鳥亂啼山中風景足幽棲軒車有約

來何暮獨倚長松望欲迷 右夏

采采黃花滿庭開南山秋色信佳哉詩人起步

斜陽外疑有玉弘送酒來 右秋

六出花飛灑氣漫青山一夜失峰巒買魚貫酒

蓬窗坐自咲先生耐得寒 右冬

憶亡子仙郎

念爾年餘兩歲時幾回能誦老夫詩只今精爽歸何處安得重來慰我思

次韻張司寇題扇贈洛揮使

唾手功名早致身弓裘文采見斯人咲麾白羽清風滿不污元規一點塵

哭亡子鳳毛

秋波照眼翠眉座客爭誇玉雪姿安得冥官我老還如一况見吾兒

題温水次壁間韻

自是昭陽第一人温泉浴處媚生春惟應負却青陵愧萬古千秋洗不新

駙馬周公德章寫竹贈別并題一詩于

上少宗伯徐公時用丘公仲深謝公大

韶定西侯蔣公廷器皆繼和之惟學士

楊公維新以竹下紙少不肯屬和因用

德章韻促之

後來竹下可書名何事先生薄賤卿道大固知
容處少也應還盡故人情賤卿用陸慧事

維新以詩回荅仍不題竹再用前韻調之
海內多君負盛名固應更散咲卿卿臨歧不肯
投珠玉頗似炎涼世路情

以下俱因維新回荅予仍次韻奉復

倚馬才華久擅名崇階不日到春卿玉堂風月
三千首不及陽關一曲情

昔年金榜愧聯名更愛論交似巨卿明日江南
望江北暮雲春樹總關情

曲江當日識君名詞賦曾誇似長卿屈指東風

三、載白頭不改舊交情

疏陳衰病豈逃名自咲清卿類走卿脫却

朝駉便東去也知丘壑足怡情

由來造物忌完名底用金緋列上卿自有五湖

煙月在不湏温嶠問無情

無分金甌覆姓名寒儒骨相豈髯卿太平自有

諸公在莫恠區區少宦情

時予明日早行送客在座八絕皆走筆

成者不自知其拙速如此

畫魚

苻菜菱芽出水長羣鱗相聚已相忘斜風細雨

空梁晚莫愛任公釣餌香

題畫龍

嶄然頭角露蜿蜒濁浪排空吼怒湍四海雲霓
正翹望如何終歲作泥蟠

題畫梅二首

羅浮曾扣酒家門惆悵東風舊夢魂
回裏相看猶自好可憐孤負月黃昏

春風吹影画中留疑有寒香暗處浮
記得西湖明月夜載將詩興上扁舟

松圖為孫都憲伯大題

霜滿烏臺百卉空髯龍千尺夜嘶風

明堂不日需梁棟古八年前夢正同

贈讓上人詩僧也

胸藏詩格眼橫秋每愧過後鮑照遊
試問黃金臺上客幾人文采似湯休

壽昌徐氏八詠

世系

故家奕葉衍書香清白相承慶澤長
支派分明昭穆敘綿綿瓜瓞遠流芳

神像

堂堂遺像染毫端風度衣冠已百年
一點靈臺方寸地画工難向後人傳

家範

著訓成編示後昆只將忠信答乾坤孳孳不廢
先王禮重見河東孝義門

書翰

篇篇書札抵南金共羨交
垂不朽柳州何用勒碑陰

行實

廊廟山林有二岐平生門誼老天知傍人無識
名門德請看庭前玉樹枝

婦儀

母儀婦德著江南况有芳年白壁三青史文章

爭點筆榮郎徒爾貴為

五壟

白楊無數慘踈煙寒食兒孫掛紙錢回首齊丘
山下路東風狐兔草芊芊

詩文

聞說君家治墨庄詞華文藻謾珍藏驪珠百斛
元無價却咲奚奴背上囊

画菜為范通判題二首

秋來生意滿園畦翠葉銀莖出土齊借問尔庭
縣特者何如清味甕中齏

多君家世本膏粱瓦甕寒齏不可
甘留得清風

傳永久肥甘寧羨大官羊

寄于京兆景瞻

鮮組投閒歲月深林間誰復是知音舟橫渡口
雲歸壑空使蒼生望到今

琴月雙清圖為翟都憲題二首

流水高山一曲琴寥寥千載少知音浮雲散盡

天如洗明月惟應識此心

石上何人生撫琴洋洋太古有遺音海風推上

雲端月照見離鸞別鶴心

附聯句

波金聯句并敘

正統戊辰冬予還番陽艤舟江東門
外故人留守鄭君廣之相送舟所不
忍決去詰旦旭日方東波光躍金滉
漾如畫廣之邀為聯句因而倡和如
左

扁舟江岸泊曉日正曛隴曙色分餘靄童波痕
漲遠淇川原繚繞動鄭晴影逶迤籠滉漾丹霞
散童熹微火劑融漫流驚躍冶鄭倒漾飲垂虹
皺殼接紅茜童祥光灼鏡銅桃花流片片鄭萍

實泛溶溶漪細縈綠縷童瀾分疊綵絨龍宮呈
錦麗鄭鮫室迸珠紅芻綠蒲萄滑童江青柳線
茸暖雲蒸荔子鄭秋水浸夫容甲縫金鱗動童
歲蕤寶髻鬆畫屏張孔雀鄭羅帶刺虬龍星象
天梯下童河潢斗府通禰山鰲結綵鄭機杼鳳
飛空麗水珠堪擬童榮河瑞頗同支旗相盪日
鄭冠珮盡朝宗舊繡天吳拆童明粧越女從影
涵歌扇小鄭涼漬舞衣濃漫說然犀怪童還驚
駕海雄推敲詩易得鄭鏤刻畫難工絳蠟燒屏
外紅螺吸月中鍾期思復鑄童嵇氏恨難鎔水
毋絲偏脆鄭周郎炬已攻自漸文燄狄千里載

孤蓬童

戊辰正月四日渡江與上舍張升勉聯句

石頭城下放輕艘千里官河回槩雙童烟抹暗
黃春到柳雪消新綠水平江張傍人晴唱風生
席估客宵眠月在窓童賴有詩人慰岑寂時時
相與倒吟缸張

臨清舟中觀放河燈與叔勉聯句

回船簫鼓送河燈張禮佛遙看四五僧點點桃
花隨水遠童輝輝星彩映空澄紅霞製出千機
錦張丹永鎔開一片冰無限魚龍驚水底夜深

潛出碧波層童

河西務馬上觀妓與叔勉聯句

何處尋春不見春張鶯花回首遇斯人香塵暗
撲梨花面童遠岫微分柳葉顰珮解漢臯知易
失張雲行巫峽會何因風流漸遠情難斷馬上
那堪目送頻童左目送

此詩少年所作本不當錄但念叔勉
乃區區同門故人工詩善鼓琴今卒
四十餘年矣故錄之於此以見昔時
交好無間也且詩有曰彼君子委卷疑
如蠶我不見兮言從之邁聖人錄之

亦取其情之正不及于亂耳呵呵

丙午元夕同高野航聯句

乙巳元夕都司鄭君廣之文學高君
仲顯讌于寒舍聯詩酌酒以永一夕
之歡是歲廣之卒明年丙午元夕予
獨與仲顯讌飲偶憶前事不勝愴然
因復聯句于右情見乎辭

去年聯席共論文今夕燈前失冠軍高聚散才
驚三月後死生寧料一朝分童金尊美酒空成
醉錦瑟遺音不復聞高明月一天春似海可勝
懷舊惜離群童

丁未元夕高仲顯邵有章讌集寒舍聯句是夕大雪

人間佳景是元宵高雪月交輝趣更饒邵小飲
山公真瑣瑣童高吟水部未寥寥銀花火樹春
容淺高絳蠟金尊夜漏遙况是豐年兆三白童
康衢行聽有民謡邵

附回文體

清浪道中書事

山青露處亂雲飛目極遙空半落暉閑映晚霞
紅片片水臨春樹綠依依閑鷗眠傍漁舟小倦
馬歸愁客路微壘洞有樓高寨遠病多時復更

歇歇

附集句

宮詞集唐句

水流花謝兩無情還到春時別恨生明月自來
還自往夜深前殿按歌聲

紫烟衣上繡春雲但保朱顏莫保恩玉珮無聲
画屏冷梨花滿地不開門

建陽昨夜起春風鳳輦時巡出九重獨見綵雲
飛不盡碧霄何路得相逢

花飛蝶駭不愁人爭奈君恩別處新翠輦不來
宮殿閉東風二十四回春

禁門深掩斷人聲
花落閒階宿雨晴
竟日倚闌空嘆息
一場春夢不分明

無題集唐句十首

芙蓉肌肉綠雲鬟
幾許幽情欲話難
聞說春來倍惆悵
莫教長袖倚闌干

雲想衣裳花想容
未知何日得相從
身無彩鳳雙飛翼
只有襄王憶夢中

萬轉千回懶下床
門前月色映橫塘
無情不似多情苦
一曲伊州淚數行

粉霞紅綬藕絲裙
倏忽還隨靈雨分
一自高唐賦成後
夢來何處更為雲

潯陽上不通潮却算游程
歲月遙明月斷魂

清露玉人何處教吹簫

南窗愁為落葉分陰
蛩切切不堪聞
晚來風起花如雪
忽到窓前疑是君

愁心一倍長離憂
紅樹青山水急流
門外晚晴秋色老
不堪吟倚夕陽樓

真成薄命久尋思
野寺尋花春已遲
何處相思不相見
九疑雲盡綠參差

與君相見即相親
脉脉無言幾度春
別恨轉深何處寫
晚來幽獨恐傷神

愁聽寒蛩淚濕衣
嗟君此別意何如
相思莫道

無來使雙鯉迢迢一紙書

謫官後詠懷一首集唐句

逐隊隨行二十春羅隱世情誰是舊雷陳元禎
長疑好事皆虛事李崱不薄今人愛古人杜工部
苔色滿墻思故第鄭谷江潭何處是通津耿緯
分明記得還家夢來鵬依舊紅霞作近隣譚用之

予按石屏州學偶染瘴癘遂與至臨安
公館藥之稍愈因集唐人之句聊以

自遣云

病多慵引架書看譚用之老去悲秋強自寬杜工部
文軌盡同堯曆象推德輿蠻鄉今有漢衣冠韓滉

松肱亭文集

附錄贈送題詠之作

湖南嚴誠兵科給事中

霄漢分飛成間閣遠勞尺牘慰情深封章屢上
陳民隱忠愛應知簡

帝心泛泛狂瀾回砥柱琅琅清譽重南金廟廊早晚
需梁棟合抱行看出鄧林

慈谿張楷南京都察院僉都御

玉壺董先生曩與余為斯文交頗稔今其令器
士昂由進士給事黃門卓然有聲自余備員南
臺適以憂制去職弗獲一會近承過訪因念曩

昔爽然於懷遂賦一律以為贈

一登黃甲入黃門盡職無慚古納言面對龍顏
爭可否身階鳳尾共談論鯉廷暮雨俄傷別番
水秋風每斷魂已脫衰麻成孝道更持宮錦荅
君恩

錢塘倪謙翰林學士後任南京禮部尚書

金榜香名擅甲科夕郎三載近鑿坡青年賈誼

才華富素恁匡衡諫疏多兩袖

天香丹鳳闕一帆春水白鷗波錦遊鄉國真堪羨把
酒臨歧奈爾何

東吳陳述四川叅政

九重簡命獨賢勞諭蜀名齊雪嶺高汗馬蹴蹄凌月

壘鷓鴣分血淬霜刀一時孤兔窮三窟萬竈貔

貅聽六韜爭羨黃門功不忝才兼文武邁雙皋

賊巢撫剿早班師千里東風奏凱時鯨背江聲

喧鼓角馬頭山色動旌旗孔明付託能無表吉

甫來歸賸有詩今日忠勤同一揆捷音先報

聖君知

馮紳什方縣老人

羽檄呈馳來廣漢遙瞻膽氣雄豪旌旗耀日陣

雲高智謀齊管樂才德邁蕭曹破敵擒兇嚴號

令穴中螻蟻難逃竚看唾手取勲勞東風生虎

帳春色上羅袍

華亭張畹 四川僉事和前韻

節鉞煌煌馳

命日三川奔走賢豪我我譽望雪山高文章魁北省

政事壓東曹深慰

九重西顧念撫綏帖息逋逃

大家何以荅勤勞登壇頒鐵券

當宁錫緋袍

蜀人黃章 辰州府同知

際克今喜用吾儒文武全才有孰如事

主父陳三代治將兵新試六韜書烟塵盡掃興師際

邊境安寧振旅餘奏凱還歸欣遂意五雲深處

晉遷除

廷臣文武兩優長奉

勅安邊出正陽七縱軍謀功廣大五名兵法義昭彰

陳師鞠旅民無優剿寇除克國有光咫尺還

朝聽奏凱定持鈞軸佐虞唐

蜀人楊明哲 儒士

劍橫天外八風清 譚用之 膽氣堂堂合用兵 蟬

萬馬不嘶聽號令 歐陽 群蠻盡掃動歡聲 歐陽

干戈載戢陳文教 韓君 師旅西還已治平 馬志

關塞極天惟鳥道 杜甫 諸侯不復更長征 楊巨

儒將分符出帝京譚復烟塵一片正傷情司空

身先十卒臨鋒刃蘇子瞻落蠻夷見漢旌晏叔

一策能除諸戶難殷遜兩河罷戰萬方清揚原巨

凱還無限驚人句馮子自得隋珠覺夜明杜甫

濟南陶元素 丙辰進士

雪崖夫子以言事蒙

召之京因口占四韻以識予情耳詩云乎哉

才見封章入

九重遽聞

徵召去匆匆精金百鍊當無變逝水千迴只向東汲黯病來猶論事韓休老去不忘忠知君志在輝

青史清論而今也至公

金陵丁鏞 興化知府

夫子天下士磊落與道俱滔滔一砥柱屹然出

泥污自從伊洛來墜緒日久迂上訴茫昧裔重

賴斯人扶立朝振手采抗疏將虎鬚權倖避休

沐白日照忠孤譬之夜光寶氣色充體膚投諸

千仞淵清光不能渝居官近十載跬步靡輕趨

閉戶窺百氏著作準黃虞門無妄接士不掃堦

下蕪灑然清風寒可以激懦夫鏞也亦何人得

御向道途楚江九月晚涼雨拆秋蒲鼓拖駕長

風飛旒上

呈都賤子失所師臨岐起長吁

蜀人劉時敷

刑部郎中

公之英聲茂實流行宇宙而被於蜀者尤多雖與時違公道自不可泯生蜀人也景仰有日第於顏采未得一覲此心不能不怏怏然也昨於同寅時雍處得觀述懷一詩詞到理到趣到宛然唐人音響真傑作也愛慕之餘遂不揣蕪陋謹步原韻輳合八句錄呈希賜改教幸幸從來直道與時違千古春秋載是非設惜花枝寒裏動却教草色雨中肥錦江勛業聲名在青瑣文章物論歸賈誼長沙應不久豈勞簪弁問

荷衣

豫章李佑

嚴州府訓導

蚤年黃甲動長安待漏

金門五夜寒直氣為匡天下事讜言不惜眼前官

天高海闊思

君切邑小民淳強自寬遙想赤心懸

日下豈無清夢到

朝端

封章累建忤

天顏公論俱為治世關龍劔正宜平

闕下牛刀豈可試人間喜添百姓幸中幸何慮一官

山上山蚤晚

朝廷須汲黯去秦范叔定應還

姑蘇奚昌 吏部觀政進士

國士如君信少雙袖中况有筆如杠抗章直欲誅

姦黨草檄親曾靖亂邦群醜反戈誰逐敵渠魁

解甲自來降還

朝又把駕班點淡月疎星映瓊牕

四明楊守陳 翰林學士後任吏部侍郎

幾共談經坐夜分別離回首悵停雲誰期畫省

文章伯又作花封父母君江浦日斜烟漠漠山

城歲晚雪紛紛薦雄擬奏河東賦吊屈無勞賈

誼文

濟南陶元素 丙辰進士

制書榮捧慰新聞公論于今玉石分豈獨雄辭迴薄

俗曾看高節抗浮雲馬馳峻坂清朝霧人醉長

亭澹夕曛萬里溟陽持節去

聖明天子正宗文

江陰顏瑄 戶部主事

瑄慕先生之名仰先生之德私淑先生之教者

十載于茲矣昨於稠人中得一接見使鄙吝頓

釋第不敢歷位與言以傾懷抱昨者借以鄙詩

奉呈是猶捧燕石以獻於卞和也承先生不見

斥外特賜珠玉之和先生與人為善之心何如
哉謹依前韻復成一律錄呈左右希情覽焉
逼人清氣浩無涯官樣文章自一家名重諫垣
遺舊草夢回彤管長新花才名不愧詩中虎膽
氣真同袖裏蛇料得烏臺無俗事旋斟新水試
新茶

毘陵王與 南京吏部尚書

文武兼資偉丈夫暫辭獻替事馳驅折衝樽俎
歸廷論汛掃風塵稟

廟謨義重一言皆納款身輕百戰少逋誅欲知盛
業傳千載試看當年諭蜀圖

東魯秦紘 南京戶部尚書

脫却朝衣掛鐵衣才兼文武似公稀
九天雨露群生命一劍風霜萬里威犢牧東郊人
按堵馬經西寨草生輝至今灑灑灘聲轉疑是
當年奏凱歸

延平劉璋 工部尚書

蜀川豺虎日縱橫多少材官閉柳營暫借
玉皇香案吏金戈將

命作長城

鐵騎長驅劔閣崩瞿塘失險浪花平掀髯一咲
蠻烟淨手挽天河洗甲兵

醜虜都歸破竹中犬羊巢穴一時空捷書夜報
明光殿不數相如諭蜀功

上海沈瑜 太常少卿

童公文武擅所長立朝正色何昂昂西川盜兵
竊擾攘書奏

天子心弗違休哉簡命曰汝良載拜稽首臣敢當虎
符皇皇出建章川蜀山水增輝光君恩播告開
愚盲汝饑汝寒弗汝戕

聖朝仁育及萬方吾其奠汝居之康寬袍大帶臨川
岡白面煦煦凝春陽逆者自順否者滅羶裘俯
伏簞壺漿惟孽不用命以妨天戈如林公載揚

擣巢扼穴驅犬羊旬月甫定川無殃公兮文武
能弛張川民再活文翁鄉露布奏捷登明堂

天心大悅臣職彰允矣方赫明宣王君臣二

形詩

章孔明擒縱孟獲亡勲庸表表青編香我朝匪
夸還匪狂聊紀膚功收太常

武陵黃琳 錦衣指揮

天子安邊任老成魚符不戒將官行令施虎帳軍中
陣寇懾龍韜腹內兵濫瀕已平巴瘴息旌旄旋
振頌聲清碩膚曾被流言謗自古功高有忌爭

鳳陽趙輔 武靖侯

文臣兼武總戎兵義膽忠肝直道行諭蜀重勞

諸葛計平蠻悉仰伏波名忠良雖被姦諛誤雲
翳何妨日月明偉績殊勲昭

盛世汗青千古播芳聲

金陵高榮 儒士

十載黃門佐兩京封章百道為蒼生一身許國
寧辭死千里之官不潔名文武才華今確論奸
諛陷穽彼何情佇看一掃浮雲盡白日光華仰
治平

通籍金門德業深鵬程誰料有升沉蒼天不負
孤臣節直道終回

聖主心荆璞三遺還是玉貪泉一飲冒懷金璽書豸

錦滇南道文化洋洋動士林

蕭山魏驥 吏部尚書致政

累牘聯編辱拜嘉從知麗則異淫哇十年苦憶
非徒慰一代名言自足誇出入陶韋殊脫穎規
模元白已成家太平歌頌須君手玉署期看振
國華

吳門沈周 儒士

一編新寄自嚴州洗眼開心讀不休夜月有輝
生白壁春風無迹動黃流潮陽遣鰐多高思蜀
道聞鶻足遠憂落落乾坤雅音在獨憐絕倡少
人酬

東吳孫霖

南京刑部郎中

容臺童先生大人執事霖曩在

京師則既傾慕盛德久矣然不敢求以自通者
以執事位尊望重恐有所不屑也及執事家居
霖來比部謂將必酬夙昔之願而以謏薄蒞劇
司案牘埋頭了無暇日蓋有願見而不可得者
仰間僚友龔君傳道執事不鄙愚庸俯賜垂問
感愧殊甚即欲趨謁又值提牢未果輒錄俚作
二首奉去為先容來月事竣敬當請教閏正月
望日

清風亭稿舊曾看首首新詩字字安萬卷未開

慙讀杜百年強半願交韓春雲揚柳情何限秋
水芙蓉思不刻莫怪未能紆俗駕丹崖青壁見
終難

金陵高榮

儒士

玉貫珠聯手自編清風千載定應傳英雄未老
心何壯賢哲多艱世共憐賈誼有才難久屈謝
安無事且高眠

漢庭指日虛前席舟楫重看濟巨川

饒郡胡德盛

陝西副使

後任湖

憶昔岐山把一杯客中分手各徘徊

聖明有道麟猶出故舊無書鴈不來老我西陲嗟未

遇延君東觀喜初開想思細讀清風稿知是天
生太白才

濟南陶元素 丙辰進士

把臂論心四十春驅馳南北間音塵曾中顧我
無一物天下似君能幾人不厭賡酬類元白直
緣交誼掩雷陳却憐風雨荒村夜撫劍高歌泣
鬼神

鳳陽姚福 千戶

聖主宵衣為敬天天官失職始求賢纔持木鐸南雲
外又掌璇璣北斗邊司馬傳家當漢日羲和分
命輔堯年人間大事歸儒者許郭誰云不可肩

饒郡舒清政 工部郎中今廣西布

金帶生花沐

寵優從知才行絕同流人龍價重窮居日殿虎名高
職諫秋詩史百年唐杜甫法書千載魏鍾繇天
涯遊子相思切劍氣時時望斗牛

蕭山魏完 鴻臚主簿蕭山冢宰

昭代巖巖降甫申文章事業冠儒紳幾番抗疏
曾編虎兩轉遐邦為逆鱗公論已歸同皦日群
情終遂列名臣廟廊半是先公友青眼誰如意
味真

金陵丁鏞 興化知府

夫子一代英挺然繼千古茫微尋陸緒一絲引
 釣斧六籍與百氏胃腹為網罟文章追雄軻周
 彝與商呶頌挫開闔閭出繩復入矩如覩鉅鹿
 戰戈楯嚴步伍列侯駭四壁猛氣倍彪虎從茲
 霸業盛西楚始讓羽又若入武庫百寶爛然聚
 明珠與大貝球琳錯璜珎一一陳左右世上赧
 珞珞自從衰周來斯文已痼痾莊荀眾曉曉西
 氣乃爾盪斯人遂不于冥冥盡聲瞽董賈揚其
 旌揚馬曠其弩韓歐引其燾蘇王奮其櫓關閩
 眾聖作無人可並武今也賴夫子斯文有盟主
 佳昔青瑣閣許

國輕鼎黼灑灑清風寒奸壬盡舌吐滇陽再振鐸
 文化洽夷土士類賴甄陶一一無缺窳幾年待
 螭陞七政無舛午從容羲和職璣衡有常數賤子
 拜東野千仞仰岫嶺况自弱冠時摳衣向門戶
 茲也忽掛冠歸興滿南浦所惜遍枯菱不獲被
 甘雨邇者兩趨謁道顏未一覩蕪詞不足呈聊
 以輸肺腑

河南周景 附馬都尉

十載同

朝忝後陪先生真有濟時才心關象緯頻稽古思
 憶尊鱸苦乞回別業一區供早稻新詩千首對

寒梅

君王有日徵賢佐丹詔還應得得来

粵南丘濬馱子太保兼禮部尚

蠶叢之國妖氛生羽書雜還来

天庭

九重天子赫然怒洛誰可仗西南征虎頭將軍攘臂

起怒髮衝冠爭裂背長槍大劍置不問竭来獨

運毛錐子毛錐子藏銛貯雲含霧飛電光鋼刀

百鍊非不利蛇矛八尺空自長螭坳當日曾簪

白纓血流丹今變赤捫參歷井掃攬槍坐使岷

峨迴秀色却咲漢家功業卑臨邛犬子騰虛辭

唐蒙已通夔中道叟叟筆舌將奚為何如此日

功尤偉赤子弄兵潢池裡輕裘緩帶咲指揮曳

帛書功報

天子平地誰知有伏機中山篋書終致疑張嬰就擒

膝撫黜古来往事多如斯外境息来專内養往

古来今閑俯仰邊機事動問陳湯枹鼓聲聞起

張敞劍閣我我棧道連高樓百尺仍籌邊君不

見積功滿千簡上玄英雄回首即神仙

饒郡趙琥保寧府教授

整頓胸襟數萬兵頭銜已換内臺卿國中大老

唐裴度天下奇才漢孔明旌旆似雲屯玉壘風

靈隨路振松城籌邊略上諸番靖西顧應紆

聖主情

德興孫需 四川按察副使

恭惟

童老大人先生 台座學貫天人才堪經濟鍾千
年之間氣為一代之真儒掇巍科而策名金榜
當言路而筮仕黃門義膽忠肝逆鱗骨鯁不顧
釜魚之青惟思人虎之掛一點血誠萬年青史
博覽而有書厨之號公平而有文衡之持方蜀
寇之小醜作妖下
廷臣而協議以靖僉以大人先生歷練老成智謀

材識堪領其事承便宜之

命有諭蜀之行星輶至不兩月而運謀設策率衆興
師賦黨以平地方以靜凱歌以作露布以
聞先因斥奸遠倭取忤於權要隨被嫁禍賈害見謫
於壽昌六事克脩一廉不苟陳情

北闕

九天揭

日月之明提學滇南萬里捧

絲綸之命學政以舉憲度以尊尋掌欽監事又擢太
常寺卿星象以明功績以紀奈何壬邪橫行群
小用事同列同班可憎可耻大人先生乃累疏

懇陳乞身閑散暨歸惟杜門以謝事不問舍以
求田居止蕭條囊橐罄竭雖缺薪而欠米惟鬻
帶以典衣困窮如此窘迫如此而潤筆之資尚
且固辭枕肱之樂亦自不改乃其素履潔白制
行清苦義薄雲天心涵冰槩豈今人之易為誠
古人之難得因受知於

君相遂起用乎都臺領

璽書而建節松潘督軍務而兼理巡撫安邊有策
撫屬有方賑濟流移用活法而全活者衆區處
糧餉革積弊而蓄積者多切佛乎魏公之陰隲
擴克乎朱子之義倉造戰車二百奇巧異常設

強弩十千剛勁匪敵旌旗蔽野劔戟明霜士氣
倍增軍威大振添設關堡以防外寇之人廣拓
廬舍以贍新軍之居學校以興風俗以變樵稅
以省屯田以清閭閻婦女咸知君實之姓名邊
塞戎羗盡畏仲淹之兵甲年穀以熟境土以寧
回京之

命方頒遷秩之

恩又沐檄移西徼銜列亞卿南京乃

祖宗根本之地吏部實人物衡鑑之司登崇惟宜超
遷允協大人先生即日就道纖塵不染秋毫無
玷雖

親王之賜亦懇啓以辭隻硯不持於端溪盡知包拯之潔一物不載於南海咸稱余靖之廉今古齊名始終一節生需官雖列於屬職義忝同於鄉邦後生小子素景仰先哲高風末學庸才願師法前賢懿行傷萬里之別後會何時送數日之程前途將盡仍用搜索枯腸補綴俚語第以晝鞍馬乎道路夜燈火乎簿書形神既疲意趣不爽詞鋒匪競詩料甚慳雖有十律之成未悉寸心之敬謹此錄塵高明俯賜電矚幸甚三十年前此駐驂陣雲高捲朔風寒威生虎帳雷霆吼謀熟龍韜劍戟橫關外三軍趨號令網

中群孽盡摧殘功成奏凱歡聲動民物依然處

慶安 右諭蜀平寇

遐方何事屈公來為有英聲徧九垓功紀一時

懸露布名傳千古匹雲臺明良已際

君臣會文武能兼將相才况有本源清徹底冰心玉

骨絕纖埃

抗牘連陳始得辭飄然清介動京師寒居獨見

書香潤羸體何妨帶孔移貧到典衣肱自枕才

堪補袞髮成絲蒲輪又見迎申老再聞嘉猷翊

盛時 右太常卿既歸復起

天意生賢不放閒徵賢有

召下

金鑾中丞已喜來孤介外間爭傳有一韓清節元鍾
鄱水秀高名還並雪山寒樂天安可號居士再
見雲霄振羽翰
東節西來

寵命頒上才應擬濟時艱冠戎獬豸臨全蜀帳擁貔
貅控百蠻威望遠加夷狄外文光直射斗牛間
甲兵數萬胸中有建策安邊自等閑

重地提綱仗我公舊遊曾此擅豪雄黃門昔展
陳師策都憲今成撫蜀功百辟衣冠崇偉望千
年竹帛紀高風邊無烽警言民安堵頌德銜恩遠

近同

右都憲撫蜀

綸音拂曙出

楓宸又見

天朝進老臣西蜀蚕叢成偉績南都藻鑑屬全人
惓惓為

國丹衷耿種種憂民白髮新才行素懸公輔望大

開黃閣待經綸

三月韶華照眼明大臣遷秩上

神京蜀中士庶思遺愛白下官僚望老成馬首遠
山橫楚黛道傍流水弄秦箏秋毫肯為行裝累
無鶴無琴清更清

右少宰回京

銀麓芝山一脉來評高月旦士林魁幾番時雨
沾公澤萬頃春江為我開知遇已遭文簡重踈
慵愧乏禹偁才遙知後夜興思處翹首青霄矚
上台右叙鄉曲

仙籍通名四十年平生芳躅踵前賢祇知玉笋
登三品誰識青囊之一錢霜鬢暮齡心尚壯黃
花晚徑節彌堅詩人解道萊公事願借樓臺鼎
鼎聯右宦途全德

成都徐禔

儒士

恭惟

古亞卿枕肱先生閣下宏才與學重德清望為

士林標表者舊矣

皇帝改紀之元年蜀大饑郡縣流莩塞途而邊夷乘

隙作慝

朝廷有西顧憂用言者薦以先生為都憲而附循

於松蓋謂邊圉苟固則內患得以漸弭也然

先生是行起於既退之後用於多事之秋噫起

於既退則晚年所養非淺劣可得而闕用於多

事則利器在操惟盤錯斯得而別故風聞圖策

動中肯綮不責近效邊人安之穎然有古儒將

風正韓子所謂將國兵而為人司命者不在彼

而在此也茲拜

命貳家宰赴南部 禱老折窮居 屢辱厚愛於斯之
別惡得無言 勉短二詩 聊發鄙意 錄呈
行幕伏冀采覽幸甚

萬選青錢出愈奇 高才雅望重

明時蜀川節鉞新 都憲禮部文章舊 主司千里敵
衝談咲折兩間難事等閒為 只今又拜

天官倅眷倚方隆 未可辭

兩入蠶薇來萬里 一臨松塞閱三秋 每忘勢分
垂青眼更枉緘題問 白頭蘗苦冰清知節操 金
精玉粹想風流星輶 又促嚴公去茅屋重添杜
甫愁

嘉禾呂憲 南京右通政

宗伯

命下南都士論翕然莫不仰戴

天子明聖大賢顯用也 憲欣躍不足則形之鄙辭伏
惟亮納幸甚

舊京風望斗杓懸 禮樂興行倚大賢 曾究璣衡
虞典日耻談 絲莖漢儒年軍中 白羽威長在亭
上清風句久傳 看整秋未新 劔履
嵩呼瞻拜 天雲邊

三山鄭紀 太常卿

青谿嚮日一車懸

先帝虛心訪舊賢三黜先生之官官猶躋極品十全

先生精於功始到稀季文從西漢難專美禮自

成周得正傳更叩夢中彭執政外明見立

衮旒邊彭閣老雕翰林時曾夢見

金陵潘傑南京工部郎中

九重綸綍下南都宗伯爭誇得巨儒身事

四朝名望重位登八座

寵恩殊雍容禮樂遵皇極磊落襟懷湛玉壺

盛世

明良喜相際再逢擊壤樂康衢

天台謝天爵儒士

明燭春臺一鑑懸倚衡今復親商賢赤心許

國常隨日白髮憂民未為年望重兩京膺

寵擢名高千古作留傳文星夜夜憑欄望萬丈光騰

北斗邊

江浦張瑄南京刑部尚書

一七神樓即奏功奇裁藝術類倉公相逢到處

多庸品莫怪先生眼底空以下三首係謝醫國藥

浙中鮑墀縣令

古有軒岐術最神又從高位見斯人遺方別用

幾般劑療疾潛回一脉春危喘頓如沾霈澤感

恩何以答乾坤文章政事名天下更擲餘丹益

弊民

千金無計覓方神位顯尤能廣濟人何限命垂
皆起死幾多藥到便生春父將神巧培元氣匪
但經綸轉地坤深沐全生難報德載歌盛美播
吾民

曾向西陲解倒懸華夷誰不羨英賢位登宗伯
承

殊寵心在皇家輔萬年賸有文丘山斗仰更持冰
操古今傳堂堂材德真堪相肯類時流飾幅邊

番陽裴春上舍生

玉立

朝廷重若山封章累上動

龍顏君臣堯舜都俞際師友程朱伯仲間西蜀撫綏
夷倍化南滇敷教士風還熨調不日歸元老大
展才猷溥濟艱

吾饒自古多賢哲爭似先生出等夷燁燁文章
高上古巍巍功業著當時幾番甘雨群生澤一
段清風百世師短刺幸容通姓字愚生從此得
依歸

三原王恕

南京兵部尚書後任

諭蜀圖今太常卿致仕番陽童公士昂昔為戶
科都給事中時奉

天子命往諭蜀之弗率者俾之革心向化保全首領
廟堂之謀可謂仁矣其徒聞公至咸詣麾下俯伏
聽命無敢後者固我

皇上德威所及亦公聲望素著言出而彼自信耳是
以不待加兵而四境以寧厥功懋哉今觀斯圖
則公當時之風采豈不可想見邪矧公以三品
官謝事而來囊無餘貲日給不足而處之怡然
制作之高又足以鳴世而傳不朽可敬可敬

雲間張畹四川按察司僉事

都給事中童公諭蜀班師圖序

皇帝嗣大歷服聿新庶政以川盜繹發居民塗毒既

命鎮守少監閻公猶雜之又謂脅從宜于同治特

申撫諭冥頑蠢固孰從而安又

命都給事中童公來諭之公僕僕走川東西深入

窮谷顛厓宣布招徠之

恩被化服息者投甲呼舞賣刀買犢復安耕鑿之
天四三冥頑之徒尤負固嘯衆放兵肆劫閻公
謂公曰

皇帝既任予二人事遷事小醜蔓延弗輯其何以康
靖我民公與閻公籌之出五道兵分戰合戰各
用命遂俘首惡楊瓚餘孽勦紛逋又出奇兵
折其尾毒使不能肆其螫惡夙夜偕閻公執銳

枕戈下與士卒同甘苦決敗算成燭照數計不能過公又謂張煌

天威既以懾服寇志不宜究武以虧化元合少息以收餘備遂移兵近刻載舉招徠之策由是德陽趙鐸率其脅從面縛請罪遣官護送還其家夫復于耕婦復于織民庶以康即日班師還成都閻公以公同事日久念公賢勞多而成功速乃蕭公像并振旅還歸執訊獲醜之畧為圖贈之上紀

聖功下弘公懿俾晚叙其事晚惟李唐憲宗時淮西吳元濟燒舞陽犯葉襄憲宗遣裴度李愬將兵入淮擒元濟而釋脅從淮西平當時以憲宗平淮之功假諸周宣江漢常武之績道封度為晉公拜愬為左僕射豐功偉烈至于今人仰之若神人然第未知當時有為圖其事否也今閻公圖之以顯其施又叙之以紀其實蓋無非以之未盡者由序以載之序之未彰者因圖以明之使人識公之像而知公之功今

皇帝天造神斷用賢克清蜀寇之功超邁李唐平淮之績直與周宣江漢常武儼美茲耀公與閻公不特如度如愬其封其榮其垂顯于後而已亦直並美皇父穆公云遂用追叙其事為詩一章

使蜀人歌以送公詩曰蜀有其居兮魚在羣基
羗髯比櫛兮象獍其為忽治忽亂兮幾陷于危
聿來文翁兮胎我民彝武侯繼躅兮益大其施
去古今遠兮民風日漓申鋤為兵兮培藩挾籬
恣飛飢嘯兮東逸西馳燭火抗日兮苦不自知
至武維揚兮殲其魁渠西從罔治兮閱我羣黎投戈
棄爰兮載事東菑七耦其耘兮芟柞以時孰旋
天樞兮孰幹地維飢我渴飢兮洗我瘡痍惠我
福我兮永永其思凱歌作兮舒怨咨我公歸兮
陟台司秉
國成兮民不迷

皇風穆兮恬以熙

四明楊守陳翰林侍講學士


諭蜀稿序

往歲蜀人以饑因為盜至剽野攻城久未戢或
言宜選

朝臣之忠信明達才任諭之可不煩兵而服

而夕臣科都給事中童公軒當其選公

蜀之遂寧以及安岳漢川德陽盜所巢
拘榜招徠之盜悉聽命間有冥頑不服
化之俘其渠魁餘孽潰而來歸無定



原件短缺

P24下半页后缺



